



文懷沙 ◆ 主編

隋唐文明

第十卷

古吳軒出版社

文懷沙 ◆ 主編

隋唐文明

第十卷

上海大學「大學叢書」

古吳軒出版社

圖書在版編目 (CIP) 數據

隋唐文明／文懷沙主編；《隋唐文明》編纂委員會編
蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z121.7

中國版本圖書館CIP數據核字 (2004) 第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

刷：江蘇淮陰新華印刷廠

本：889×1194 1/16

印張：402.5

印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓 (全100卷)

隋唐文明

第十卷目錄

隋唐典章職官書匯八

全本唐會要一百卷(二)(卷六二至一〇〇)

附四庫本唐會要補四卷(卷七至十)

〔宋〕王 溥撰 三

〔明〕闕 名補 四六七

隋唐典章職官書匯

八



唐會要卷六十二

宋 王 溥 撰

御史臺下

諫諍

長安四年十一月勅於登萊州置監牧和市牛羊右肅政臺監察御史張廷珪諫曰竊見國家於河北和市牛羊及荆益等州市奴婢擬於登萊等州置監牧此必有人爲國用不足或將見陶朱公孫安卜式之事而爲陛下陳其策耳臣愚以爲齷齪小算有損無益爲盛明天唐會要

卷六十二

十

子行於世也何以明之彼三人者實爲匹夫藉空虛之地罄勤苦之功畜牧積歲增致千金苟以一家言之其計得也今聖朝疆域四海臣妾萬方天覆地載莫非所有而必取於人從牧於國何示人之不廣而近樹私也況和市遞送所在騷然公私煩費不可勝計今河南牛疫處十不存二家家保之豈願輒賣今雖和市甚於抑奪頃者諸州雖定估價既緣併市則雖平準加以簡擇事須賄求侵克之端從此而出牛羊踴貴必倍於常百姓私賂卽破家產雖官得一牛一羊百姓已失兩牛兩

羊價矣此則有損無利也又聞君之所恃者人人之所恃者食食之所資者耕耕之所恃者牛失牛則廢耕廢耕則去食去食則人無以生人無以生君將何恃然則牛者君國字人之本豈有無故而取之哉假令畜牧能遂繁三數歲間億萬可致陛下豈可鬻之於中土剖割其命爲資乎牛之爲損則如破羊之無益又如此伏願特加審慎詳圖賴益諸有所和市及新置監牧等倘迴聖慮卽日停絕天下蒼生不勝幸甚其後數日御史中丞盧懷慎上表曰臣奉使幽州推事途經衛相等州知唐會要

卷六十二

二

河北和市萊州監牧牛臣聞官人百姓當土牛少市數又多官估已屈於時價眾戶又私相賠帖既印之後卻付本主養飼春暮草青方送牧所竟無鑄折侵削實深且民惟國本食乃民牛之不存民將安寄河北百姓尤少牛犢賤市抑養奪取無異聚農戶之耕牛冀收孳課奪居人之沃壤將爲牧場益國利民未見其可所和市牛臣望總停爲計之上

神龍二年京兆韋月將上書訟皇后爲亂中宗大怒令撲殺之御史中丞宋璟執奏請按而後刑中宗怒甚謂

璟曰朕以爲斬訖何故緩之璟曰韋言中宮爲亂於武三思陛下不加勘問直言斬論事者臣恐朝野有竊議者中宗轉怒璟曰請先斬臣不然臣不敢奉詔上意少解遂配流三年八月節愍太子誅武三思之後安樂公主及宗楚客兄弟并冉祖雍李懷等共誣構安國相王鎮國太平公主與太子連謀舉兵請收制獄上召御史中丞蕭至忠令鞠之至忠泣而奏曰陛下富有四海貴爲天子豈不容一弟一妹忍受人羅織宗社存亡實在於此臣愚竊爲陛下不取漢書云一尺布尚可縫一斗

唐會要

卷六十二

三

粟尙可春兄弟二人不相容願陛下詳察此言初則天欲立相王累日不食請迎陛下固讓之誠天下傳說足明冉祖雍等所奏咸是虛構上深納之遂停鞠問其時左補闕吳兢上表曰臣聞道路竊議云宗楚客紀處納等誣構安國相王以爲連謀於庶人重俊將請下制獄臣既參職諫曹安敢不奏且安國相王實陛下同氣六合至廣親莫加焉今賊臣等共加羅織此禍亂之漸不可不察又王之仁孝幽明共知頃遭荼毒哀毀過度以陛下爲性命亦陛下之手足既孝於父母而惡於兄弟

者未之有也若信任讒邪寘之於法必傷陛下之恩失天下之望所謂芟刈股肱獨任胷臆方涉江漢棄其舟楫可爲寒心可爲慟哭自昔翦伐枝幹假權異族者未有不喪其宗社也何以明之秦任趙高卒致傾覆漢委王莽遂成篡逆晉家以自相魚肉震盪鼎沸隋室以猜忌子弟海內塵飛驗之覆車安可重迹自陛下登極于今四稔一子以弄兵被誅一子以愆失遠任唯此一弟朝夕左右斗粟尺布之刺可不慎乎

景雲二年監察御史韓琬陳時政上疏曰臣敢以耳目

唐會要

卷六十二

四

所聞見而陳之伏願少留意省察臣竊聞永淳之初尹元任岐州雍縣令界內婦人修路御史彈免之頃年婦人夫役修平道途蓋其常也調露之際劉憲任懷州河內縣尉父思立在京身亡選人有通索關者于時選司以名教所不容頃者以爲見機倭人矣頃年國家和市所由以剋剝爲公雖以和市爲名而實抑奪其價殊不知百姓足君孰與不足矣往年兩京與天下州縣學生佐史里正坊正每一員缺先擬者輒十人頃年差人以充猶致亡逸往年選司從容安閑而以禮敬待頃年選

司無復曩時引接但仇敵估道耳往年劾官交替者必儲畜什物以待之頃年替人必喧競爲隲手執省符紛然不已往年召募之徒人百其勇爭以自効頃年差點勒遣逃亡相繼若此者臣粗言之不可勝數夫量事置官量官置人使官稱其人須人不虛位除此之外使其耕桑任其商賈何爲引令入仕廢其本業臣愚以爲國家開仕進之門廣矣皆棄農職工商而爭趨之當今一夫耕而供數百人食一婦蠶而供數百人衣遂使公私皆無儲蓄矣若不釐革其弊必令致政令風化年年不

等也

開元二年十二月嶺南市舶司右威衛中郎將周慶立波斯僧及烈等廣造奇器異巧以進監選司殿中侍御史柳澤上書諫曰臣聞不見可欲使心不亂是知見欲而心亂必矣臣竊見慶立等雕鏤詭物置造奇器用浮巧爲真玩以詭怪爲異實乃理國之所巨蠹明王之所嚴罰紊亂聖謀汨敦彝典昔露臺無費明君尙或不忍象筩非多忠臣猶且憤歎王制曰作異服奇器以疑眾者殺月令曰無作淫巧以蕩上心巧謂奇伎怪好也蕩

卷六十二

五

謂惑亂情欲也今慶立等皆欲求媚聖意搖蕩上心若陛下信而使之是宣奢淫於天下必若慶立矯而爲之是禁典之無赦也陛下卽位日近萬邦作孚固宜昭宣菲薄廣教節儉則萬方幸甚

元和十五年二月監察御史楊虞卿以上頻行幸盤遊上疏諫曰臣聞鳶鳥遭害則仁鳥逝誹謗不誅則良言進況詔旨勉諭許陳愚誠故臣不敢避死竊聞堯舜受命以天下爲憂而未聞以位爲樂也況北敵猶梗西戎未賓兩河之瘡痍未平五嶺之妖氛未解生人之疾苦

唐會要

卷六十二

六

盡在朝廷之制度未脩邊儲屢空國用猶缺固未可以高枕無虞也陛下初御宇宙有憂天下之志宜日延輔臣公卿百寮執事垂旒而問造膝以求四方內外有所觀焉今自聽政以來六十日矣八開延英獨三數大臣仰奉龍顏其餘侍從待詔之臣偕入而齊出何足以聞政事哉諫臣盈廷忠言未聞於聖聽臣實羞之蓋由主恩尙疎而眾正之路未啟也公卿大臣宜朝夕見天子論道賜與從容則君臣之情相接而理道備聞矣方今自宰相以下四五人時得頃刻侍座故天威不遠鞠躬

隕越隨旨上下無能往來此由君太尊臣太卑故也自公卿以下雖歷踐清地曾未祇奉天睴以承下問鬱塞正路偷安倖生況陛下神聖如五帝其臣莫能望清光所宜周遍顧問惠其顏色使支體相輔君臣愈明陛下求理於公卿公卿求理於臣輩自上下孜孜相問使進忠若趨利論政若訴冤如此而不聞過失不致昇平者未之有也自古帝王居安慮危之心不相及故不得皆爲聖帝明王小臣疎賤豈宜及此獨不忍冒榮偷祿以負聖朝伏惟陛下深憐之上令中使宣付宰臣云虞卿唐會要

卷六十二

七

所上疏切直可獎後宰臣令孤楚蕭倪段文昌延英奏事因以納諫爲賀

推事

顯慶五年正月監察御史袁異式受宰臣李義府密旨推青州刺史劉仁軌有所凌辱過甚及爲侍御史而仁軌入爲大司憲式心不自安後因誦倉起言之劉公謂侍御曰彼人對某臥而無禮自是往事某不介懷式拜謝之

龍朔二年十月秦令言新除監察御史推雒州長史許

方士子犯法使還將奏諸御史謂曰未經奏事宜習之笑曰由來所便問作手狀又都不曉及奏不稱臣上問方士知否對曰許長史不知上曰對朕猶喚許長史豈能推事令法官重推令言免官

垂拱元年四月監察御史蘇珣按韓魯諸王獄珣奏據狀無徵則天召見詰問珣執奏不迴則天不悅曰卿大雅之士當別有驅使此獄不假卿也遂令珣於河西監軍

長安三年九月八日魏元忠爲張易之所構配流嶺表唐會要

卷六十二

八

太子僕射崔貞慎東宮率府獨孤禕等送至郊外易之大怒復使人誣告則天令監察御史馬懷素按問續使中使促迫諷令構成其事懷素執正不受命則天怒懷素奏曰元忠犯罪配流貞慎等以親故相送誠爲可責若以爲謀反臣豈誣罔神明昔彭越以反伏誅樂布猶奏事哭於其屍下漢朝不坐況元忠罪非彭越陛下豈加追送之罪則天意解由是獲免

天寶四載十二月十六日勅東西兩推及左右巡使皆臺司重務比來轉差新人數有改易既不經久頗紊章

程宜簡擇的然公正精練者令始末專知不得輒替換若無缺失至改轉時遲速間以爲褒貶

興元元年十月四日勅知東推西推侍御史各一人臺司以推鞠爲重務請令第一殿中同知東推第二殿中同知西推仍分日受事一人有故同推便知先所置推官二員請停

建中三年九月御史臺奏其推知御史差使改移其兩推卽須改入舊例合有推官今請置兩員與本推御史同推御史縱有改移不失根本若非職掌見任官手力

唐會要

卷六十二

九

外請給十年充糧料等取贓贖錢勅旨依奏

元和五年四月命監察御史楊寧往東都按大將令孤運事時杜亞爲東都留守素惡運會盜發洛城之北運適與其部下咬于北邙亞意爲盜遂執訊之逮繫者四十餘人寧既按其事亞以爲不直密表陳之寧遂得罪亞將逞其宿怒且以得賊爲功上表指明運爲盜之狀上信而不疑宰臣以獄大宜審奏請覆之命侍御史李元素就覆焉亞迎路以獄成告元素驗之五日盡釋其囚以還亞大驚且怒親追送馬上責之元素不答亞遂

上疏又論元素還奏言未畢上怒曰出俟命元素曰臣未盡詞上又曰且去元素復奏曰臣一出不復得見陛下乞容盡詞上意稍緩元素盡言運冤狀明白上乃悟曰非卿孰能辨之後數月竟得眞賊元素由是爲時器重累遷給事中每美官缺必指元素焉

八月九日御史中丞薛存誠奏當司應受事推勘等臺中舊例及興元元年十月四日御史大夫崔縱重奏取侍御史殿中侍御史各一人共成四推猶以東西推爲名又各分京城諸司及道州府爲東西之限隻日則臺

唐會要

卷六十二

十

院受事雙日則殿院受事其中一人有故則同推便知者伏以所分諸司及府州爲限已定事若併至無例均分刺者則推鞠難精閑者則吏能莫試今請不以東西爲限亦不以取隻日雙日受事但請依舊請四推御史合輪環受事周而復始如此則才用俱展勞逸必均其餘應緣推事須有約勒若一一聞奏慮煩聖聽勅下後請隨事條流勅旨依奏

太和二年閏三月申門下奏御史臺推事縱有特宜亦須正勅應朝官犯罪准獄官令先奏後推格式具存

合共遵守臣等請便提舉勅旨依奏

四年八月御史中丞魏謩奏諸道州府百姓詣臺奏事多差御史推劾臣恐煩勞州縣先請差度支戶部鹽鐵院官帶憲銜者推勘又各得三司使申稱院官人數不多例專掌院務課績今諸道觀察使幕中判官少不下五六人請於其中帶憲銜者委令推劾如累推有勞能雪冤滯若御史臺缺官便令聞奏從之

出使

貞觀四年監察御史王凝使至益州刺史高士廉勸戚

唐會要

卷六十一

十一

自重從眾僚候之昇僊亭凝不爲禮呵卻之士廉甚恥悲至五年入爲吏部尚書會凝赴選因出爲蘇湖令十七年監察御史汲師巡獄至長安縣令李乾祐不知御史至巡訖將上馬乾祐始來師願見不言而去乾祐深憾之二十年四月乾祐除御史中丞遂出爲新樂令顯慶三年七月監察御史胡元範使越嶲至益州駙馬都尉喬師望爲長史出迎之先是勅斷迎使臣師望託言他行元範引卻不與相見師望又忿憾按轡專道徐反駐後塵及元範按劾其枉僧事師望素與許敬宗善

先驛奏之元範及迴免官

麟德二年十月徵劉仁軌次於萊舍於驛西廳夜已久有御史至驛人白曰西廳少佳有使止矣曰誰曰帶方州刺史御史令移卻仁軌遽就東廳既至拜憲大夫其御史媿不自安他日謂侍御曰諸公出使當須振舉冤滯發明耳目興行禮義無爲煩擾州縣而自重其權指行中曰只如某侍御夜到驛中西廳所校幾何苦死遣移乃就東廳豈忠恕之事耶願諸公勿爲也諸御史莫不翕然自誠

唐會要

卷六十一

十一

乾封二年二月韋思謙除侍御史與公卿相見未常行拜禮或勉之約曰鸚鵡鷹鷂豈眾禽之偶奈何設拜以狎之且耳目之官故當特立乃曰御史銜命出使不能動搖山岳震懾州縣誠曠職耳開元五年監察御史杜暹往積西覆屯會郭虔瓘與史獻等不協更相執奏詔暹按其事實史獻以金遺暹固辭左右曰公遠使絕域不可失蕃人情暹不得已受之埋於幕下既去出境乃移牒令收取之十二年四月六日勅御史出使非充按察覆囚不得輒

差判官其出使日皆於側門進狀取處分

十三年三月十三日勅御史出使舉正不法身苟不正焉能正人如聞州縣祇迎相望道路牧宰祇候僮僕不若作此威福其如禮何今後申明格勅不得更示威權大歷十四年六月勅郎官御史充使絕本司移者改與檢校及內供奉裏行

元和四年監察御史元稹出使東蜀劾奏故節度使嚴礪違制擅賦礪雖死其屬郡七州刺史皆坐責罰

六年九月以前湖南觀察使李眾爲恩王傳初眾舉按

唐會要

卷六十二

三

屬內刺史崔簡非御史盧則就鞠得實使還而眾以貨遺所推令史至京有告者令史決流盧則停官故眾亦坐焉

七年閏七月勅前後累降制勅應諸道違法徵科及刑政冤濫皆委出使郎官御史訪察聞奏雖有此文未嘗舉職外地生人之勞朝廷莫得盡知今後應出使郎官御史所歷州縣其長吏政俗閭閻疾苦水旱災傷並一條錄奏聞郎官宜委左右丞句當並限朝見後五日內聞奏并申中書門下如所奏不實必議懲責

知班

貞觀六年八月唐臨爲殿中侍御史大夫韋待價責臨以朝列不整臨曰此亦小事不足介意請今日已後爲之明日江夏王道宗其大夫離立私談臨趨進曰王亂班道宗曰其大夫語何至於是臨曰大夫亦亂班韋失色而退

顯慶四年侍御史張由古知班凡亂班多是尙書郎由古每唱言員外郎小兒難共語喚引駕鼻衡上行朝士側目鄙之

唐會要

卷六十一

古

大足元年王無競爲殿中侍御史正班於閣門外宰相國立於班北無競前曰去上不遠公雖大臣自須肅敬以笏揮之請齊班

當時朝議是非參半

景龍二年左臺御史崔沘彈班不肅上表曰臣聞叔孫通觀漢朝儀多闕尊卑失序所以分別上下申明禮儀於是羣臣知天子之至尊高祖知皇帝之爲貴此皆由班秩不忒威儀容止不差是故作乎萬邦用刑四海者也臣竊見在朝百僚多不整肅公門之內詎合論私班列之中尤須致敬或縱觀勅目或旁闕制詞或交首亂

言或越班問事或私申慶弔或公誦詩篇或笑語諠譁或行立怠惰承寬既久積習如常不增祇懼之容實素矜莊之典臣謬膺推擇叨掌糾彈見無禮於朝廷誠是臣之深恥況西戎獻款北狄來賓恐觀中國之失儀招外蕃之所詬更若知而故犯不革前非望即停其入內量行貶削

開元元年正月殿中侍御史出使盡監察裏行翟璋知班乃牒中書省勅侍郎王珣及太子左庶子寶希瓘入晚遂爲所擠出授岐陽縣令

唐會要

卷六十一

五

七年正月二十一日上御紫宸殿朝集使魏州長史敬讓辰州長史周利貞俱欲奏事左臺御史翟璋監殿廷揖利貞先進讓以父暉爲利貞所斃不勝憤恨遂越次而奏利貞受武三思使枉害臣父璋劾讓不待監引請付法上曰讓訴父枉不可不矜朝儀亦不可不肅可奪一季祿而已貶利貞爲邕州長史

貞元十四年閏五月侍御史殿中鄒儒立以太子詹事蘇弁入朝班位失序對仗彈之弁於金吾仗待罪數刻特放舊制太子詹事班次太常宗正卿貞元三年御史

中丞竇參敘定班位移詹事班在河南太原尹之下弁乃引舊制班立臺官詰之乃紿云已白宰相請依舊制故僑立彈之

雜錄

垂拱元年正月十二日勅兩京度人令御史一人檢校其月二十六日勅御史糾獲罪狀未經聞奏不得輒便處分州官府司亦不得承受

其年二月制朝堂所置登聞鼓及肺石不須防守其有搥鼓石者令御史受狀爲奏

唐會要

卷六十一

末

三年十二月鳳閣侍郎韋方質奏言舊制有御史監軍今未差遺恐虧失節度夫古將軍出師君授之鈇鉞閭外之事皆使裁之如聞被御史監軍乃有控制軍中小大之事皆須承稟非所以委專征也以卑制尊禮便不可不許

景龍元年九月十九日勅選擇御史令本司長官其中書門下商量并錄由慝進奏者

開元十九年正月二十八日勅左右藏太倉署差御史監知出納至二十一年三月十九日勅監倉庫各定御

史一人一年一替左右巡御史亦各定一人一季一替並不得改換及差使

天寶二年八月七日勅所置御史職在彈違雜充判官誠非允當其諸道節度使先取御史充判官者並停自今已後更不得奏若切須奏者不得占臺中缺其本臺長官充使者不在此限

四載十一月十六日勅御史宜依舊制黃卷書缺失每歲委知雜御史長官比類能否送中書門下改轉日褒貶

唐會要

卷六十二

七

至德元年七月十三日勅風憲之地百寮準繩頃者有司殊非慎擇其御史須曾任州縣理人官者方得薦用寶應二年二月二十六日御史大夫嚴武奏應在外新除御史赴臺停止店肆事亦非宜仍令所在給公乘發遣以爲永例勅旨依奏

建中三年九月一日勅御史大夫中丞奏授御史便充臺中職掌者宜占缺以後並依此處分

貞元十二年十月御史臺奏伏準貞元二年班序勅諸使下三院御史有本官是常參官兼者卽入本官班如

內供奉裏行卽入御史班緣使下御史稍多近例並不內供奉班內臣等參詳伏請自今已後請使下御史內供奉者入門日並依宣政殿前班位次員外郎之後在正臺監察御史之上便爲常式庶叶通規勅旨依奏元和六年三月御史臺奏準令用未後決囚者請不過申時如勅到府及諸司已未後至者伏乞至來日仍請勅本司準舊例與御史同臨引決勅旨依奏

長慶三年八月御史臺行從印一面出使二面比來御史出使推按或用廢印或所在取州縣印文狀伏以使

唐會要

卷六十二

太

臣銜命推案事須用印無非切要旣於所在求印事以漏洩伏請令有司鑄造從之

太和四年三月御史臺奏三院御史盡入到朝堂前無止泊處請置祇候院屋知祿御史元借門下直省屋後簷權坐知巡御史元借御書直省屋後簷權坐每日早入至已時方出入前後並本所由自門下直省院西京兆尹院東有官地東西九十尺南北六十尺請準長慶元年八月於中書南給官地度支給錢置僕射祇候院例給此地充三院御史祇候院請度支給錢一千貫文

臺司自旬當從便起造伏以御史風憲之職行止有常
朝堂祇事每日須入從前假箇不遑啟居或寢吏伍相
參或當食無所今伏請前件地名及起舍價伏乞聖慈
允臣所請勅旨依奏

會昌二年九月御史中丞李回奏文武常參據品秩令
式合置引馬臣伏以車服之制並示等威著在典章所
宜遵守近者班行之士官位已高或以散冗自謙或以
簡便爲意卒相倣倣不置引馬街衢之內品秩莫分事
涉因循頗乖典故其文武常參官起今已後並據品秩
唐會要 卷六十一 五

準例置引馬其有合置不置許臣糾舉罰一月俸料
如違犯不已請具奏聞庶存制度用表官榮勅旨依奏

唐會要卷六十三

宋 王 溥 撰

史館上

史館移置

武德初因隋舊制隸秘書省著作局貞觀三年閏十二
月移史館於門下省北宰相監修自是著作局始罷此
職及大明宮初成置史館於門下省之南

開元十五年三月一日宰臣李林甫監史館以中書地
切樞密記事者宜其附近史官諫議大夫尹愔遂奏移

唐會要 卷六十三

於中書省北其地本尙藥局內藥院

諸司應送史館事例

祥瑞 禮部每季 天文祥異 太史每季并所 蕃國朝貢 每
至鴻臚樹問土地風俗衣服貢賦道里遠近并其主名字報 蕃夷入寇及來降 中書
錄狀報錄布兵部錄報軍還日軍將具 錄陷城堡傷殺吏人掠擄畜產并報 變改音律及新
造曲調由太常寺具所州縣廢置及孝義旌表 戶部有法
令變改斷獄新議 刑部有 有年及飢卹水旱蟲霜風雹
及地震流水泛溢 戶部及州縣每有勘其諸邑封建
司府勘報裝封 京諸司長官及刺史都督護行軍大總
者不在報限

管副總管除授並錄制詞文官吏刺史縣令善政異跡
有灼然者本州碩學異能高人逸士義夫節婦州縣有錄附考使送京請司長官薨卒本司責由刺史都督都護及行軍副大總管已下薨本州太軍實由公主百官定諡考績錄行狀諸王來朝勅報正寺已上事並依本條所由有卽勘報史館修入國史如史官訪知事由堪入史者雖不與前件色同亦任直牒索承牒之處卽依狀勘並限一月內報

建中元年十一月二十八日史館奏前件事條雖標格

唐會要

卷六十三

二

式因循不舉日月已深伏請申明舊制各下本司從之大厯十四年正月已後至今年十月已前所有事跡各限到一月日報從此已後外州縣及諸軍諸使每年一度附考使送納在京卽每季申便爲恆例勅旨依

修前代史

武德四年十一月起居舍人令狐德棻嘗從容言於高祖曰近代已來多無正史梁陳及齊猶有文籍至於周隋多有遺闕當今耳目猶接尙有可憑如更十數年後恐事跡湮沒無可紀錄至五年十二月二十六日詔司

典序言史官紀事考論得失究盡變通所以裁成義類
懲惡勸善自有魏至乎陳隋莫不自命正朔綿歷歲祀
各殊徽號制定禮儀然而簡牘未編紀傳咸闕闕涼已
積謠俗遷訛餘烈遺風浪焉將墜顧彼湮落用深軫悼
有懷撰次實資良直中書令蕭瑀給事中王敬業著作
郎殷聞禮可修魏史侍中陳叔達秘書丞令狐德棻太
史令庾儉可修周史中書令封德彝中書舍人顏師古
可修隋史大理卿崔善爲中書舍人孔紹安太子洗馬
蕭德言可修梁史太子詹事裴矩吏部郎中祖孝孫前

唐會要

卷六十三

三

秘書丞魏徵可修齊史秘書監竇璡給事中歐陽詢秦
王府文學姚思廉可修陳史綿歷數載意不就而罷修
之源自德棻始至貞觀三年於中書置秘書內省以修五代史
貞觀十年正月二十日向書左僕射房元齡侍中魏徵
散騎常侍姚思廉太子右庶子李百藥孔穎達禮部侍
郎令狐德棻中書侍郎岑文本中書舍人許敬宗等撰
成周隋梁陳齊五代史上之進階頒賜有差
二十年閏三月四日詔令修史所更撰晉書銓次舊聞
裁成義類其所須可依修五代史故事若少學士量事